

玉

海

六十

玉海卷第一百二十二

浚儀王應麟伯厚甫

官制

六卿 九卿

卿章也章善明理也又鄉嚮也言爲人所歸嚮也

黃帝五官 九工

史記黃帝考定星曆建立五行於是有天地神祇物類之官是謂五官正義黃帝置五官各以物類名職管子五行篇黃帝作五聲五鍾五聲旣調然後立五行以正天時五官以正人位人與天調然後天地

之美生

美為甘露醴泉之類

甲子木行御

命左右士師發粟順

山林

丙子火行御

命行人掘溝澮

戊子土行御

命左

右司徒養草木蕃五穀

庚子金行御

命祝宗薦祖廟

五祀左右司馬組甲厲兵

壬子水行御

命左右使人

閉藏草木根本美

五行各七十二日而畢

凡三百六十日而一

歲之事畢

呂氏春秋黃帝建五官以正人位

又見應劭以雲紀官

注

文選王元長策文九工開於黃序注黃帝也有

雲瑞故以雲名官有五人有同德四人以五合四為

九官

楚語觀射父曰有天地神民類物之官謂之

五官

黃帝司徒司馬 少皞司徒司馬司空司

寇

見宰相及官名類

少皞五正 四叔三正 顓頊二官 五

官

左傳昭二十九年蔡墨曰有五行之官是謂五官列

受氏姓封爲上公祀爲貴人社稷五祀是尊是奉注

官之君長能修其業者木正春曰勾芒重火正夏曰

祝融黎金正秋曰蓐收該水正冬曰玄冥修及土正

中曰后土句龍服注云少皞氏有四叔重爲勾芒

官曰后土高辛氏因之

木該為蓐收金修及熙為玄冥二子相代為水正

味為玄冥師正義四叔出於少皞其使重為勾芒非少皞

使之世族譜云少皞其官以鳥為名然則此五官皆

在高陽之世楚語云云重黎居官在高陽之世鄭語云云黎為祝融又在高辛之世

漢張衡傳應間曰四叔三正官無二業金木及水文選

土元長文五正置於朱宣下民不忒注少皞之號五

正即五雉之正唐崔融傳曰建五正而人事理斯

乃帝辛氏所以為人政也漢律曆志顓頊命南正

重司天火正黎司地楊子曰北正其後三苗亂德二官咸

廢堯復育重黎之後使纂其業周禮疏云堯典注高辛氏之世命重黎重

黎事顓頊

楚語顓頊命南正重司天以屬神

南陽

又事高辛

禮則命火正黎司地以屬民

火當為北北陰位周禮則司徒傳顓頊為民

宗伯而命

鄭語黎為高辛氏火正命之曰祝融

世本

以氏事

顓頊曾孫黎或是國名官號顓頊命黎高辛命黎未必是一人

左傳襄九年士弱

曰古之火正或食於心或食於味

注配食於火星

陶唐氏之

火正闕伯居商邱

禮記正義祝融古火官之長為堯司馬鄭玄云

漢司馬

遷傳唐虞之際紹重黎之後使復興典之至於夏商故

重黎氏世序天地

又見楚語

孟子舜使益掌火注

主火之官猶古火正

列僊傳仇生赤湯時為木正

堯六卿

舜六官

九工

堯九職

見人類

通典舜爲六官以主天地四時堯置天地四時之官

爲六卿

見官名

詩玄鳥箋契爲堯司徒有功封商

錫其姓焉

宋志堯時舜爲司徒

說苑堯之時舜

爲司徒契爲司馬禹爲司空

淮南子同文選引文子同

孟子

舜使契爲司徒教以人倫

堯時

通典堯時弃爲后

稷兼掌司馬

禮記正義鄭玄云祝融爲堯司馬

淮南子堯之佐九人舜之佐七人武王之佐五人

考工記疏六官之記可見者堯育重黎之後羲和及

其仲叔四子掌天地四時夏書乃召六卿商周雖稍

改職名六官之數則同

舜九官

書舜典咨汝二十有二人注禹垂益伯夷夔龍六人
新命有職四岳十二牧凡二十有二人集傳二十二
人四岳九官十二牧也百揆統庶官四岳統十二牧
舜命九官新命者六人伯禹伯夷咨四岳而命者也
垂益汎咨而命者也命夔龍因人之讓不咨而命者
也若稷契臯陶之不咨者申命其舊職而已又按此
以平水土若百工各爲一官而周制同領於司空此
以士官兼兵刑之事周禮分爲夏秋兩官 漢劉向
傳舜命九官濟濟相讓注禹司空棄后稷契司徒咎

繇士垂共工益虞伯夷秩宗夔典樂龍納言王元長云九工

開於黃序庶績其凝李善注劉向上疏舜命九官

夏六卿 九卿

書甘誓乃召六卿以官而言王曰嗟六事之人以軍疏天而言

子六軍其將皆命卿鄭玄云夏亦然則三王同也鄭注

太傳夏六卿者后稷司徒秩宗司馬作士共工也胤征注胤侯為大司馬政

典若周官六卿之治典胤征政典乃六典之一周因於夏通典夏

后之制亦置六卿其官名次猶承虞制記王制天

子三公九卿二十七大夫八十一元士注此夏制也

明堂位夏后氏官百舉成數也正義王制之文鄭皆

以爲殷法此云夏制者以明堂位殷官二百與此百二十數不相當 昏義天子立六官三公九卿

云云

注三公以下百二十人似夏時也 通典夏制九卿

殷周亦如之少師少傅少保冢宰司徒宗伯司馬司

寇司空

記曰夏后氏官百天子有三公九卿也

高玄孫之子微爲夏司

徒冥爲夏司空

宋志云契之子

周語夏之衰弃稷弗務不

窞用失其官

鄭注三王同有六卿

月令疏按書

傳有司馬司徒司空公領三卿此夏制也曲禮云司徒司馬司空司士司寇此殷制也

殷六大

六典

五官

六卿

六府

六職 六工 大宗 大史 司士

曲禮天子建天官先六大曰大宰大宗大史大祝大

士大卜典司六典注此蓋殷時制周則大宰為天官

焉大卜以神仕者呂氏曰殷人尊神大史以下皆

者也游氏曰周司空儀禮商祝注祝習商禮者三代天工

者其事本於天紀近者絕乎人事而以法天參焉建

天官先六大與堯命羲和舜齊七政洪範首五行之

意無五官曰司徒司馬司空司士司寇典司五眾注

周則司士屬司馬正義殷家六卿大宰司司徒司馬司

空司士司寇是也大宰一卿法於天時司徒以下五

卿法於地事但大宰尊故先列之并大宗以下所隸

屬之官以守六事之法又置五官以象地之五行五

官亦各有所領不條出其人畧也呂氏曰司士掌

羣臣之板所統有眾所以並立為五官陸氏曰司

士代宗伯者以司士六府曰司土司木司水司草司

器司貨典司六職注主藏六物之稅周皆屬司徒正義既法天地立官又為萬物立府

司土周為土均司木周為山虞司水周為川衡司草周為稻人司器周為角人司貨周為巾人金玉曰貨

六工曰土工金工石工木工獸工草工典制六材此

亦殷制於周皆屬司空土工陶旅也金工築冶鼂桌

段桃也石工玉人磬人也木工輪輿弓廬匠車梓也

獸工函鮑鞞韋裘也唯草工職亡蓋作蘆葦器殷人

上梓正義制六府之材物陸氏曰草工蓋設色之

工若以藍為青蒨為紫蒨為紅是也五官致貢曰

葉氏曰聚於人曰六府造於人曰六工
享致其歲終五官之長曰伯是職方長謂為三公者周禮九命作伯
伯分王東西正義三公入命者堯時姜氏為史記
四伯堯之末分置八伯殷改置二伯與周同
周紀古公作五官有司民皆歌樂之注引禮記殷制

左傳晉唐叔始封受職官五正注五官之長疏於
殷時爲五行官長 通典湯以咎單爲司空 書正
義咎單作明居馬融云咎單爲湯司空

殷九卿

說苑君道篇湯問伊尹曰三公九卿二十七大夫八
十一元士知之有道乎臣術篇伊尹曰三公所以參
五事也九卿所以參三公也大夫所以參九卿也列
士所以參大夫也 漢王吉傳言舜湯不用三公九
卿之世而舉臯陶伊尹 通典殷九卿伊尹曰三公
調陰陽九卿通寒暑 商頌長發允也天子降于卿

士實維阿衡實左右商王正義三公兼卿士也紀
年殷王卽居亳其卿士伊尹史記商紀武丁思復
興殷政事決定於冢宰以觀國風周紀武王曰維天
建殷其登名民三百六十夫索隱登進名賢之人亦見
周書隨巢子楚語殷武丁三年默以思道卿士曰正言
以出令也

周九卿 九品

禮朝士掌外朝之法左九棘孤卿大夫位焉匠人
營國外有九室九卿朝焉九分其國以爲九分九卿
治之注六卿三孤爲九卿周禮疏按昏義云三公

九卿六卿并三孤而言九其三公又下兼六卿故書
傳云司徒公司馬公司司空公各兼二卿按顧命大保
領冢宰畢公領司馬毛公領司空別有芮伯爲司徒
彤伯爲宗伯衛侯爲司寇則周時三公各兼一卿之
職與古異矣 漢表周官則備矣立三少是爲孤卿
與六卿爲九焉 周語外官不過九品注九卿 魯
語與三公九卿祖識地德

周六卿 六典 六屬 六職 六聯

卿士 六官

書周官冢宰掌邦治統百官均四海司徒掌教敷五

典擾兆民宗伯掌禮治神人和上下司馬掌政統六
師平邦國司寇掌禁詰姦慝平暴亂司空掌土居四
民時地利六卿分職率屬以倡九牧阜成兆民禮
天官惟王建國辨方正位體國經野設官分職以爲
民極注周公作六典之職謂之周禮大宰建邦之
六典佐王治邦國治教禮政刑事乃施典于邦國而
建牧立監設參三卿傳伍五大夫陳殷置輔施則于都鄙
而建長立兩設伍陳殷置輔施法于官府而建正立
貳設攷陳殷置輔大宰所掌獨謂之建小宰以官
府之六屬舉邦治官法官屬曰天官其屬六十掌邦治大事則從長小事則專達至冬

官同注六官之屬三百六十象天地四時日月星辰之度數天道備焉前此者成王作周官其志有述
天授位之義故周公設官分職以法之周以三公兼六卿三公無職六卿則分職三公論道六卿則行道同源委精粗於
體可離非道也

以官府六職辨邦治八法官職曰治

教禮政刑事職以官府之六聯合邦治八法官聯祭祀賓

客喪荒軍旅田役斂弛凡小事皆有聯詳見後以

序官攷之天官之屬六十有三地官之屬七十有九

春官之屬七十有一夏官之屬七十秋官之屬六十

有五此五官之屬已三百四十有八雖冬官散落無

紀計其數總四百有餘聖人法天建官天度奇而不

齊聖人亦不如是之拘也舉其成數曰其屬六十而